

Headlines

1. उपराज्यपाल मनोज सिन्हा होरें औंदी श्री अमरनाथ जी दी यात्रा लेई उच्ची सतह आली सुरक्षा बैठक दी प्रधानता कीती।
2. मुख्यमंत्री होर राबिता कार्यक्रम दरान नेके प्रतिनिधि मंडलें कन्नै मलाटी लाइयै उंदिएं दिक्कतें परेशानिएं गी सुनेआ ते हल दा भरोसा दोआया।
3. एसए एससीआई जम्मू कश्मीर च मुख्य बुनियादी ढांचे गी बढ़ावा देग—आखेआ मुख्य सचिव होरें।
4. आयूष मंत्रालय 11में अंतराष्ट्रीय योग दिवस 2025 शा पैहले दिल्ली च योग कनेक्ट वैश्विक शिखर सम्मेलन दा सरिस्ता करा करदा ऐ। औंदे कार्यक्रम लेई जम्मू च बी तैआरियां जोरें पर।
5. सख्त गर्मी दे ओरेंज ते यैलो अलर्ट बश्कार हल्की बरखा नै लोकें गी गर्मी थमां दना क् राहत दोआई।

<><><><><><>

LG-Amarnath Review (byte)

उपराज्यपाल मनोज सिन्हा होरें औंदी श्री अमरनाथ जी दी सलाना यात्रा लेई सुरक्षा बवस्था दी तैआरिएं दी समीक्षा करने लेई सददी गेदी इक उच्ची सतह आली बैठक दी प्रधानता कीती। बैठक च फौज, पुलस, सीआरपीएफ ते खुफिया अजेंसिएं दे आला अफसरें शिरकत कीती। उपराज्यपाल होरें यात्रा दी सुचारु ढंगै सिर तोड़ चाढ़ने लेई आपसी तालमेल बनाइयै कम्म करने पर जोर पाया। श्री सिन्हा होरें सुरक्षा गिड, सुरक्षा बलें दी तैनाती योजना ते होर दुए उपाएं दा बी जायजा लैता। इस मौके श्री अमरनाथ जी श्राइन बोर्ड दे मुख्य कार्रकारी अधिकारी डॉ. मंदीप भंडारी होरें शिव भक्तें गी उपलब्ध करोआई जाने आलिएं सहूलतें—सेवा बारे जानकारी दिक्ती। बैठक दरान बोलदे होई श्री सिन्हा होरें आखेआ.....बाईट

<><><><><><>

CM-Raabita

मुख्यमंत्री उमर अब्दुल्ला होरें श्रीनगर च हअपने “राबिता” दफ्तर च लोकें तगर पुज्ज बनाने आले पब्लिक आउटरीच कार्यक्रम दा सरिस्ता कीता, जित्थें उनें जम्मू कश्मीर दे बक्ख—बक्ख हिस्से शा आए दे प्रतिनिधिमंडलें ते लोकें कन्ने मलाटी कीती। इस मौके जिने विशें पर चर्चाउ कीती गई उंदे च कश्मीरी भाशा गी बढ़ावा देना, राजस्व मैहकमे दा नमें सिरेया गठन करना, औद्योगिक विकास, होरने पिछड़े दे वर्गें दा कल्याण, सैलसफा, पशु बचाह ते हमदर्दी दी बिनाह पर नियुक्तिएं दे बकाया मामले शामिल हे। आई.आई.टी. जम्मू, भारत सी.एस.आर नेटवर्क ते मीडिया समूह दे प्रतिनिधिमंडलें बी अपनियां अपनियां मंगा रखियां। मुख्यमंत्री होरें सब्बै गी ध्यान कन्नै सुनेआ ते भरोसा दोआया जे उंदिएं जायज मंगें दा तौले गै नबेड़ा कीता जाग। इस मौके पर मुख्यमंत्री हुंदे सलाहकार नासिर असलम वानी ते होर बड़डे अधिकारी बी मजूद हे।

<><><><><><>

CS-SASCI

मुख्य सचिव अटल डुल्लू होरें भारत सरकार दी राज्यें गी रास पूंजी लाने लेई विशेष मदाद योजना एसए एससीआई दी अमलावरी पर बचार बमर्श करने लेई इक उच्ची सतह आली बैठक दी प्रधानता कीती। इस माली ब'रे थमां जम्मू कश्मीर लेई लागू एसए एससीआई पंजीगत खर्च गी बढ़ावा देने लेई 50 ब'रे लेई बिजन ब्याज दे दोआर—कर्जे उपलब्ध करोआ करदा ऐ। बैठक दरान श्री डुल्लू होरें समेबद्ध परियोजना दी तुरत पंछान करने लेई आखेआ जिनेंगी चालू माली ब'रे दरान पूरा कीता जाई सकदा ऐ। मुख्य सचिव होरें इस स्कीम गी सतत विकास लेई खास करार दिंदे होई मैहकमे गी मिशन मोड पर कम्म करने लेई जोर भरेआ। एसए एससीआई जम्मू कश्मीर च मुख्य बुनियादी ढांचे दे विकास गी बढ़ावा देग।

<><><><><><>

Singhal J&K ERA

श्रेया सिंघल होरें जम्मू कश्मीर इकोनोमिक रिकंस्ट्रक्शन अजेंसी (ईरा) दे मुख् कार्यकारी अधिकारी दे तौरा पर औहदा सांभेआ। अपनी नियुक्ति दे किश गै समें परेंत, उनें अजेंसी दिएं गतिविधिएं दा जायजा लैने आस्तै वरिष्ठ अधिकारिणं दे कन्नै इक बैठक लाई। इस मौके पर बोलदे होई श्रेया सिंघल होरें टीम दी वचनबद्धता पर अपना भरोसा जताया ते समूलचे जम्मू कश्मीर च बुनियादी ढांचे दे विकास गी बधाने आस्तै जारी जतनें दे महत्व पर जोर दिक्ता।

<><><><><><>श

World Blood Donar Day(byte)

अज्ज विश्व रक्तदाता दिवस मनाया जा'रदा ऐ। इस ब8रे दा विशे सारे ऐ "खून देओ, मेद देओ, किट्ठे रलियै अस जीवन बचाचे"। एह् कार्यक्रम सुरक्षत खून दी लोड़ दे बारे च जागरूकता बधाने ते आपूं अपनी मर्जी कन्नै, मुफ्त रक्तदान आले रक्तदाताएं गी उंदे जीवन रक्षक खून दे तोहफे आस्तै धन्नबाद करने दा कम्म करदा ऐ। सरकारी मैडिकल कालेज, जम्मू दे वल्ड ट्रसिफ्यूजन विभाग दियां प्रमुख ते प्रोफेसर मीना सिद्धू होर आकाशवाणी समाचार कन्नै खास गल्लबात करदे होई आखेआ.....बाईट

<><><><><><>

Ayush Yoga

11में अंतर्राष्ट्रीय योग दिवस शा पैहले आयुष मंत्रालय अज्ज नमीं दिलली च हाईब्रिड वैश्विक शिखर सम्मेलन-योग कनेक्ट दा सरिस्ता करा करदा ऐ। सम्मेलन च बहरीन, अमरीका, बरतानिया ते दक्खन कोरिया सनें बक्ख-बक्ख देसें दे इक ज्हार शा बद्ध योग करने आले लोक शामिल होआ करदे न। इस दरान आईडीवाई दे दाहके भर दे प्रभाव पर योग प्रभाव रिपोर्ट दा विमोचन बी कीता जाग।

<><><><><><>

Udhampur Yoga(byte)

11में अंतर्राष्ट्रीय योग दिवस दी तैआरिणं आस्तै उधमपुर दे डिप्टी कमीशनर सलोनी राय हुंदी अगुवाई च डीसी दफतर परिसर च इक बैठक लाई गई। कार्यक्रम थाहर प्रतिभागिणं, मंचउजलपान, प्रचार, पार्किंग, सुरक्षा ते होर केई लाजमी जरूरतें दे कन्नो कन्नी सरबंघत बक्ख-बक्ख व्यवस्थाएं गी खीरी रूप देने आस्ते व्यापक चर्चा कीती गई। डिप्टी कमीशनर सलोनी राय होरें सरबंघत मैहकमे गी हुक्म रसाल कीता जे ओह् समें शा पैहले अपनी बशेष जिम्मेदारिणं गी शुरू करी देन। इस बारे पेश ऐ साढ़े जिला संवाददाता दी इक रिपोर्ट.....डिसपैच

तोआई डोडा च बी अंतर्राष्ट्रीय योग दिवस दी तैआरिणं दा जायजा लैने लेई डोडा दे डिप्टी कमीशनर हरविंदर सिंह होरें इक बैठक दी अध्यक्षता कीती।

<><><><><><>

Prog. Ann(Yoga Day)

आकाशवाणी जम्मू दा क्षेत्रीय समाचार, एकांश अंतर्राष्ट्रीय योग दिवस पर 20 मिंटे दा इक खास कार्यक्रम पेश करा करदा ऐ। जेह्दा प्रसारण 10 जून गी बडलै 7 बज्जियै 10 मिंट पर कीता जाग। कार्यक्रम च साढ़ियां परौहनियां होंगन मन्नी परमन्नी दियां योग आचार्य डॉ. सुजाता संथु। सुजाता होर साढ़े जीवन च योग दे महत्व बारे अपने बचार सांझे करगन। चर्चा दी मेजबानी साढ़े न्यूज एंकर श्रुति खजूरिया ते कुणाल श्रीवत्स करगन। इस्सै चाल्ली दे होर दुए जानकारी आले कार्यक्रमें लेई मुस मीडियम वेव 990 किलोहर्टज ते एफएम 100.3 मेगाहर्टस पर आकाशवाणी समाचार जम्मू सुनी सकदे ओ।

<><><><><><>

Forest Fire

पुंछ जिले दे नेके जंगलें च बड़ी मती अग्न लगी गई जिंदे च झुलास, भेरा ते के.जी.सेक्टर शामिल न। इस अग्न करियै 40 हैक्टर शा बद्ध इलाकें पर माड़ा असर पेदा ऐ। साढ़े जिला संवाददाता नै दस्सेआ जे शुबे आलिऐं परिस्थितिऐं च लगी दी अग्न कब्जा रेखा कश सलोत्री थाहर अजें बी लगी दी ऐ। मैहकमा जंगलात ते सेना दियां टीमां रलियै अग्न गी काबू करने दिऐं कोश्टां करदियां न। इस अग्न कन्नै करोड़ें रपे दी कीमते आले जंगली उत्पाद नश्ट होई गे ते जनौर आले दोआले दे ग्राऐं बक्खी बधा करदे न।

<><><><><><><><>

Weather

ळुन मौसम सरबंधी जानकारी कल संजा खित्ते च बरी दी हल्का बरखा नै बड़ी मती गर्मी थमां दना क् राहत दोआई ऐ, उआं मौसम विभाग नै अगले 6ऐं दिनें लेई ओरेंज ते यैलो अलर्ट दी चेतावनी दित्ती ऐ। इस दरान अज्ज शा लेइयै 19 जून तगर तेज हवाऐं कन्नै बक्ख-बक्ख थाहरें पर लूह चलने दी पेशगोई कीती गई ऐ। लोकें गी सलाह दित्ती जंदी ऐ जे ओह पानी सनें तरल पदार्थ लैन ते जूकर जरूर नेई होऐ ते दपैहरी 12 बजे शा लेइयै संजा 4 बजे तगर घर शा बाहर नेई निकलन। तोआई जम्मू शैहरे च कल बद्धोबद्ध तापमान 43.6 डिग्री सैल्सियस दर्ज कीता गेआ। कठरा च बद्धोबद्ध तापमान 39.5 जिल्ले के बनिहाल , बटोत ते भद्रवाह च सिलसिले वार 31.8, 31.6 ते 30.8 डिग्री सैल्सियस तापमान रेआ।

<><><><><><><><>

PTC Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 ब'रें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 ब'रें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंधत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफतर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी जम्मू कश पंजीतीर्थी 15 जून 2025 थवां पैहले-पैहले आइऐ दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><><><>